

КОЛХОЗИН БИЧКДҮДИН САДТ

Одр болгън, ик эртас авн, Яшалтинск района Ленинә нертә колхозин бичкдүдин гер эклдж кӧдлмшән кенә. Кӱүкд хурдж иргл, гернь дулан, цевр, хотнь белн, наадг олн зӱсн наадгъаснь эздӱдән кӱләдж дерәлдәд тәвәтә бәәнә.

Бичкдүдәс тӱрӱлдж одр болгън ах багас негнь — дежурн болхнь ирнә. Даалгъврнь чидлднь зӧв: наадгъасинь белдх кергтә, хот уудг столинь белдәд, ухр, вилксиг, аагъсиг тәвнә, ирдж йовх дӱӱнртән хувцинь тәәлдж дӧнъ болна.

Бичкдүдин садин заведующ Н. С. Гузева үнн седклән тәвдж, даалгъсн кӧдлмшән кенә. Бичкдүдиг эрӱл-менд остхә, ухата болтха, бийән, үӱрмӱдән хәләдж чадг болтха гигъад олн-зӱсн занять кенә, олн зӱсн, медрл өгнә. Бичкдүд бийснь нӱӱрән угъадж, хувцан үмсдж чадцхана, оран ясна, герт орхларн кӧлән арчна, наадгъасан хурана. Воспитательмӱд ижчӱдлә мендлджиг, зургуд зурджиг, пластелинәр, цаасар олн зӱсн кев кедгиг дасхна. Одр болгън зарядк кецхәнә. Бичкдүд шӱлгӱд дасна, туульс сонъсна, сонъссан кедгиг дасцхана, олн зӱсн онъг таньджиг, хамг юмна кев-янз медрджиг, то тоолджиг

дасцхана. Бичкдүдиг эк-эцкнрнь кӧдлдж мастерскойур, малин фермӱр, электростанцур, селәнә эдл-ахун машид зогсдг газрур авч одсн экскурсийир икәр таасгдв. Теднд эк-эцкнрнь ю кедгиг, ямаран кӧдлмш кедгиг келдж өгв. Воспитательмӱд бичкдүдт эстетическ сургъмдж өгхәр ду, биласхна, кино, нәр-наад үзӱлцхәнә.

Эн садин кӧдлӱчнр сургъмджин кӧдлмшән бичкдүдин эк-эцкнртә хамдан кенә. Бичкдүдт гертнь чидлднь зӧв даалгъвр өгчәтн, садт авсн медрлинь, кӧдлмш келгънә эв-аргъинь гертән бас олзлтн, дасхты гидж теднд заана.

Колхозин правлень бичкдүдт ик, сән сарул, эвтә гер кев... Садин ордернь шин, ке, сән. Одрин гурв дакдж бичкдүдт олн зӱсн шимтә, өслтднь зокалта хот кенә.

Иигәд колхозин садин кӧдлӱчнр: гардач Н. С. Гузева, хот кегъач Х. И. Парохоня, няня Р. Г. Волошина үнн седклән тәвдж, кӧдлмш кедж йовх эк-эцкнртнь дӧнъ болхар, бичкдүдиг сәәнәр хәләхәр шунмгъагъар кӧдлмшән кедж йовна.

И. БАЗЮК.